



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU NEZAVISNE BOSANSKOHERCEGOVAČKE LISTE

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Nezavisne bosanskohercegovačke liste za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Nezavisna bosanskohercegovačka lista prekršila odredbe člana 4. stav (1), člana 11. stav (1) i člana 12. stav (1), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Nezavisne bosanskohercegovačke liste za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Nezavisna bosanskohercegovačka lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	9.145,00	9,40
3.	Prilozi pravnih lica (3-b)	700,00	0,72
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	87.457,24	89,88
8.	Prihodi od propagande (3-g)	0,00	0,00
I	Ukupni prihodi (1-8)	97.302,24	100,00
II	Ostali prihodi i drugo	0,00	0,00
	Izvori finansiranja (I+II)	97.302,24	100,00

U godišnjem finansijskom izvještaju za 2019. godinu, Nezavisna bosanskohercegovačka lista iskazala je rashode u ukupnom iznosu od 42.079,78 KM.

2. PREDSTAVLJANJE POLITIČKE STRANKE

Naziv političke stranke: Nezavisna bosanskohercegovačka lista. Skraćeni naziv: NBL.

Nezavisna bosanskohercegovačka lista je registrovana kod Općinskog suda u Sarajevu, Rešenjem broj: 065-0-F-17-000016 od 14.12.2017. godine.

Sjedište političke stranke je u Sarajevu, ulica Obala Kulina Bana 24.

Lice ovlašteno za zastupanje stranke je Ibrahim Hadžibajrić, predsjednik.

Lice ovlašteno za podnošenje finansijskog izvještaja za 2019. godinu je Nermina Jusić.

U okviru organizacione strukture Nezavisna bosanskohercegovačka lista je u godišnjem finansijskom izvještaju za 2019. godinu navela samo Sjedište stranke, te konstatovala da nema niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Nezavisne bosanskohercegovačke liste za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Nezavisne bosanskohercegovačke liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim osvrtom na priloge od fizičkih i pravnih lica i prihode iz budžeta.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih Nezavisne bosanskohercegovačke liste 2017. i 2018. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Nezavisne bosanskohercegovačke liste za 2018. godinu, izdat je Izvještaj o pregledu sa mišljenjem revizora, nalazima revizije i preporukama stranci: da da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da ne prima priloge iznad zakonom propisanog limita, da se ne finansira iz izvora koji su zabranjeni političkim strankama, da vodi pravilne evidencije o svojim transakcijskim računima i prihodima, odnosno da poslovne knjige vodi u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da dostavlja traženu dodatnu finansijsku dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Nezavisna bosanskohercegovačka lista nije ispoštovao sve preporuke.

5. NALAZI I PREPORUKE

5.1 NALAZI

a) Nezavisna bosanskohercegovačka lista prekršila je odredbe člana 4. stav (1)¹ Zakona o finansiranju političkih stranaka.

Uvidom u Plan utroška sredstava za 2019. godinu koji je dostavila Nezavisna bosanskohercegovačka lista, utvrđeno je da je stranka planirala troškove u ukupnom iznosu od 45.550,00 KM, dok je u godišnjem finansijskom izvještaju iskazala ukupne troškove u iznosu od 42.079,78 KM.

(1) Planom utroška sredstava, politička stranka nije predvidjela troškove osiguranja imovine, troškove propagande i troškove poslovno-tehničke saradnje sa pravnim licima.

Uvidom u finansijski izvještaj i poslovne knjige stranke, utvrđeno je da je ostvarila troškove premija osiguranja imovine u iznosu od 499,67 KM, ostale troškove propagande u iznosu od 175,50

¹ Prema odredbama člana 4. stav (1) Zakona o finansiranju političkih stranaka, finansijska sredstva iz člana 3. stav (1) navedenog Zakona stranka može koristiti isključivo za ostvarivanje ciljeva utvrđenih svojim programom i statutom.

KM i troškove poslovno-tehničke saradnje sa pravnim licem The Bosnia Times d.o.o. Sarajevo u iznosu od 1.400,00 KM.

- (2) Planom utroška sredstava politička stranka je predvidjela troškove zakupnine poslovnih prostora u iznosu od 15.000,00 KM. Uvidom u ugovore o zakupu i račune zakupodavaca utvrđeno je da je stranka u 2019. godini ostvarila troškove zakupnine poslovnih prostora za rad političke stranke u iznosu od 14.142,80 KM i troškove zakupa sala za sastanke stranke, u iznosi od 2.176,20 KM².

S obzirom da Nezavisna bosanskohercegovačka lista nije finansijska sredstva utrošila u skladu sa Planom utroška sredstava, prekršila je odredbe člana 4. stav (1) Zakona o finansiranju političkih stranaka.

- c) Nezavisna bosanskohercegovačka lista prekršila je odredbe člana 11. stav (1)³ i člana 12. stav (1)⁴, (4)⁵ i (5)⁶ Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Nezavisna bosanskohercegovačka lista nije poslovne knjige vodila u skladu sa računovodstvenim propisima, nije izvršila pravilnu klasifikaciju prihoda, nije vodila tačne evidencije o rashodima i obavezama, nije prijavila sve organizacione dijelove stranke, nije iskazala transakcijski račun, nije dostavila svu traženu dodatnu dokumentaciju i nije obrasce godišnjeg finansijskog izvještaja za 2019. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.

- (1) U godišnjem finansijskom izvještaju, koji je stranka podnijela Centralnoj izbornoj komisiji BiH, na obrascu 1. (opći podaci o političkoj stranci) stranka je navela da nema niže organizacione dijelove. U obrascu 1.1 (Opći podaci o političkoj stranci - teritorijalna organizacija političke stranke), navela je da ima samo Sjedište stranke.

Kontrolom ugovora o zakupu poslovnih prostora i dostavljenih faktura o zakupu poslovnog prostora, utvrđeno je da je Nezavisna bosanskohercegovačka lista tokom 2019. godine imala zakupljene poslovne prostore u gradovima: Zenica, Goražde, Srebrenik i Tuzla i Općini Novo Sarajevo, što ukazuje na činjenicu da je stranka, osim sjedišta imala i druge organizacione dijelove, ali ih nije prijavila u finansijskom izvještaju.

S obzirom da nije prijavila organizacione dijelove i navela podatke o istima, politička stranka je prekršila odredbe člana 10. Pravilnika.

- (2) Nezavisna bosanskohercegovačka lista godišnji finansijski izvještaj, suprotno odredbama člana 5. Pravilnika, nije popunila po organizacionim dijelovima stranke.
- (3) Na obrascu 2 (pregled prometa svih transakcijskih računa) godišnjeg finansijskog izvještaja stranka nije prijavila devizni račun broj: 1012722681 otvoren kod Privredne banke d.d. Sarajevo⁷, čime je prekršila odredbe člana 11. Pravilnika.

² Fature pravnog lica Unitic d.o.o. Sarajevo, broj: 3093-KS/2019 u iznosu od 1.895,40 KM od 30.09.2019. godine i broj: 3094-KS/2019 u iznosu od 280,80 KM od 30.09.2019. godine.

³ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁴ Politička stranka vodi evidenciju o svojim приходima i rashodima.

⁵ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

⁶ Sva lica koja su dužna da izvještaj moraju da podnesu i dodatne izvještaje koje Centralna izborna komisija BiH zatraži.

⁷ Stranka je dostavila potvrdu o prometu po deviznom računu koji je izdala Privredna banka d.d. Sarajevo, kojom je potvrđeno da tokom 2019. godine stranka nije imala prometa po ovom računu. Ovaj račun je aktivan kod navedene banke od 02.10.2018. godine.

- (4) Nezavisna bosanskohercegovačka lista u godišnjem finansijskom izvještaju nije izvršila pravilnu klasifikaciju prihoda, koji su prijavljeni u ukupnom iznosu od 87.457,24 KM, čime je prekršila odredbe člana 13, 14. i 19. Pravilnika.

Kontrolom izvoda sa transakcijskog računa broj: 1011040071927717 kod Privredne banke, utvrđena je uplata sredstava iz budžeta Grada Srebrenika u iznosu od 4.500,00 KM, koja se odnose na donacije tri gradska vijećnika sa Liste nezavisnih kandidata Srebrenik 2016., Gradskog vijeća Srebrenik⁸.

Navedena sredstva uplaćena su po zahtjevu vijećnika sa Liste nezavisnih kandidata, a bila su namijenjena za finansiranje kluba Gradskih vijećnika Grada Srebrenik.

Stranka je u godišnjem finansijskom izvještaju i poslovnim knjigama navedena sredstva, umjesto priloga fizičkih lica u obrascu 3-a, pogrešno iskazala na obrascu 3-f kao prihode iz budžeta Grada Srebrenika.

- (5) Stranka u godišnjem finansijskom izvještaju troškove nije iskazala po organizacionim dijelovima, nije iskazala tačne podatke o troškovima zakupa poslovnih prostora, te je troškove evidentirala u momentu plaćanja obaveze, a ne kada je stranci pružena usluga, čime je prekršila računovodstvene propise i odredbe člana 11. stav (1) i člana 12. stav (1) i (4) Zakona o finansiranju političkih stranaka i odredbe člana 21. i 22. Pravilnika.

Stranka je u godišnjem finansijskom izvještaju i poslovnim knjigama iskazala ukupne troškove zakupa poslovnih prostora u iznosu od 14.219,12 KM i to kao troškove sjedišta stranke u Sarajevu.

Uvidom u ugovore o zakupu poslovnih prostora i dostavljene fakture koje se odnose na zakup poslovnih prostora u 2019. godini utvrđeno je da je stranka, pored prostora Sjedišta stranke, za svoj rad koristila poslovne prostorije u tri grada i jednoj opštini, kao što je navedeno u nalazu pod tačkom (1), te za održavanja sastanaka sale pravnog lica „Unitic“ d.o.o. Sarajevo.

- Stranka je dostavila fakture pravnog lica „Tehnograd-company“ d.o.o. Tuzla, kojima je stranci za 2019. godinu faktirisana zakupnina u iznosu od 1.393,80 KM. Međutim, stranka je u godišnjem finansijskom izvještaju i poslovnim knjigama evidentirala troškove zakupnine u iznosu od 4.738,92 KM. Pored troškova zakupnine za 2019. godinu u iznosu od 1.393,80 KM, stranka je i troškove zakupnine za 2020. godinu u iznosu od 3.345,12 KM, koje je platila 2019. godine, evidentirala kao trošak ove godine.
- Uvidom u ugovor o zakupu sa Mirsadom Kahrmanovićem⁹ utvrđeno je da je stranka koristila poslovni prostor u Općini Novo Sarajevo u periodu od 01.01-31.03.2019. godine te da je po tom osnovu ostvarila troškove zakupa u iznosu od 1.350,00 KM. U finansijskom izvještaju i poslovnim knjigama stranka je troškove zakupa 2019. godine evidentirala u iznosu od 2.250,00 KM, iako se 900,00 KM odnosi na zakupninu za novembar i decembar 2018. godine.
- Nezavisna bosanskohercegovačka lista je dostavila i ugovor o zakupu poslovnog prostora u sa Suadom Halilovićem iz Srebrenika¹⁰ na osnovu koga je utvrđeno da je stranka koristila poslovni prostor u periodu od 01.01. - 01.10.2019. godine, te da je po tom osnovu ostvarila troškove zakupa u iznosu od 1.485,00 KM. Međutim, stranka je u finansijskom izvještaju i poslovnim knjigama evidentirala troškove zakupa u iznosu od 2.145,00 KM.

⁸ Akt broj: 02-1-107/20 od 20.02.2020. godine i Akt broj: 02-130/20 od 09.06.2020. godine i uplaćena sredstva po zahtjevu tri vijećnika Grada Srebrenik, i to: Ante Markovića, Vehide Fazlić i Fadila Smajića.

⁹ Ugovor o zakupu zaključen 09.05.2018. godine i raskid ugovora o o zakupu nepokretnosti od 09.05.2018. godine.

¹⁰ Ugovor o zakupu zaključen 01.10.2018. godine.

- Uvidom u ugovor o zakupu sa pravnim licem „HING“ d.o.o. Sarajevo-Dobrinja II¹¹, utvrđeno je da je stranka koristila poslovni prostor u periodu od 01.01-31.12.2019. godine, te da je po tom osnovu ostvarila troškove zakupa u iznosu od 4.914,00 KM. U finansijskom izvještaju i poslovnim knjigama stranka je evidentirala troškove zakupa u iznosu od 409,00 KM.
 - Stranka je dostavila ugovor o zakupu poslovnog prostora sa pravnim licem „ŽGP“ d.o.o. Zenica¹², na osnovu koga je utvrđeno da je tokom 2019. godine ostvarila troškove zakupa u iznosu od 200,00 KM. Stranka je, međutim, u poslovnim knjigama i godišnjem finansijskom izvještaju evidentirala troškove zakupa u Zenici u iznosu od 100,00 KM.
 - Nezavisna bosanskohercegovačka lista je dostavila ugovor o zakupu poslovnog prostora sa Fadilom Hubjer iz Goražda¹³ na osnovu koga je utvrđeno da je stranka koristila poslovni prostor u periodu od 01.01. – 30.12.2019. godine, te da je po tom osnovu ostvarila troškove zakupa u iznosu od 4.800,00 KM. Stranka je u poslovnim knjigama i finansijskom izvještaju evidentirala troškove zakupa u Goraždu u iznosu od 2.400,00 KM.
 - Takođe, uvidom u dostavljene fakture, utvrđeno je da su od strane pravnog lica „Unitic“ d.o.o. Sarajevo stranci tokom 2019. godine fakturirani troškovi zakupa sala za sastanke, u iznosu od 2.176,20 KM. Stranka je troškove zakupa sala trebala iskazati odvojeno od troškova zakupa poslovnih prostora koje je tokom godine koristila za svoj rad.
- (6) Nezavisna bosanskohercegovačka lista je u obrascu 5 (obaveze političke stranke) godišnjeg finansijskog izvještaja iskazala obaveze u iznosu od 9.557,33 KM, dok je u Bilansu stanja na dan 31.12.2019. godine, evidentirala obaveze u iznosu od 8.585,00 KM. Međutim, uvidom u ugovore o zakupu poslovnih prostora u 2019. godini, te evidencije o ostvarenim i plaćenim troškovima zakupnine, utvrđeno je da politička stranka nije iskazala u poslovnim knjigama i finansijskom izvještaju obaveze prema fizičkom licu Fadila Hubjer u iznosu od 2.400,00 KM, pravnom licu „HING“ d.o.o. Sarajevo u iznosu od 4.505,00 KM i pravnim licem „ŽGP“ d.o.o. Zenica u iznosu od 100,00 KM. Nepotpunim i netačnim evidencijama o svojim obavezama politička stranka je prekršila računovodstvene propise i odredbe člana 11. stav (1) i člana 12. stav (1) i (4) Zakona o finansiranju političkih stranaka i odredbe člana 24. Pravilnika.
- (7) Uvidom u izvode sa transakcijskog računa stranke, utvrđeno je da je 27.06.2020. godine stranka izvršila povrat priloga, koje je 2018. godine primila od Lepara Senade u iznosu od 11.000,00 KM i Lepara Senadina u iznosu od 900,00 KM. Prilozi oba fizička lica, u ukupnom iznosu od 11.900,00 KM, vraćeni su Lepara Senadi, pa dio isplaćenih sredstava, u iznosu od 900,00 KM, koji prelazi prilog koji je u prethodnoj godini stranci dala Lepara Senada, ima karakter ličnog primanja, na koje stranka bila obavezna obračunati i uplatiti porez i doprinose u skladu sa poreznim propisima, te u finansijskom izvještaju evidentirati troškove po tom osnovu.
- (8) Pregledom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

¹¹ Ugovor broj: 39/2018 od 23.07.2018. godine.

¹² Ugovor broj: 01.10/2019 od 20.10.2019. godine.

¹³ Ugovor zaključen 31.12.2018. godine.

- Računi na osnovu kojih je Nezavisna bosanskohercegovačka lista evidentirala i platila troškove reprezentacije ne predstavljaju ispravne i vjerodostojne knjigovodstvene isprave.

Političkoj stranci pravno lice IBES d.o.o. Sarajevo fakturisalo je ugostiteljske usluge 30.09.2019. godine u iznosu od 3.800,00 KM¹⁴ i 15.11.2019. godine u iznosu od 3.500,00 KM¹⁵. Pomenuti računi nisu potpisani od strane korisnika usluge.

Iako računi dobavljača moraju vjerodostojno pokazivati vrstu i obim prodaje, odnosno pružene usluge, na oba pomenuta računa za ugostiteljske usluge, navedena je količina jedan (1) po cijeni od 3.800,00 KM na prvom računu i količina jedan (1) po cijeni od 3.500,00 KM na drugom računu.

- (9) Uvidom u izdate potvrde o primljenim priložima od fizičkih lica i pravnog lica, utvrđeno je da iste ne sadrže sve elemente propisane članom 6. Pravilnika o godišnjim finansijskim izvještajima političkih stranaka.

U skladu sa članom 6. stav (1) Pravilnika o godišnjim finansijskim izvještajima političkih stranaka, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

- (10) Dana 26.08.2020. godine, Centralna izborna komisija Bosne i Hercegovine je Nezavisnoj bosanskohercegovačkoj listi uputila Zahtjev za dostavljanje dodatne dokumentacije za 2019. godinu, kojim je od stranke traženo da dostavi: Bruto bilans stranke na dan 31.12.2019. godine, Glavnu knjigu sa kompletnim analitičkim evidencijama stranke za period 01.01.-31.12.2019. godine, dokumentaciju o korištenju poslovnih prostora u 2019. godini (dokaze o vlasništvu nad nekretninama, ugovore o zakupu, odluke ili izjave), program utroška sredstava za 2019. godinu i kopiju izvoda sa transakcijskog računa stranke, broj: 1011040071927717 otvorenog kod Privredne banke Sarajevo za period 01.01.-31.12.2019. godine i izvode otvorenih stavki na dan 31.12.2019. godine za sljedeće dobavljače: „Salex“ d.o.o. Sarajevo, „Tehnograd-company“ d.o.o. Sarajevo i Udruženje Centar za razvoj i afirmaciju „Litteratus“.

U ostavljenom roku stranka nije dostavila svu traženu dodatnu dokumentaciju, odnosno nije dostavila izvoda otvorenih stavki za tražene dobavljače. Umjesto izvoda otvorenih stavki, stranka je dostavila svoje analitičke kartice za tražene dobavljače.

Nedostavljanjem kompletne dodatne dokumentacije, stranka je prekršila odredbe člana 12. stav (5) Zakona o finansiranju političkih stranaka.

5.2 PREPORUKE

Preporučuje se Nezavisnoj bosanskohercegovačkoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva osigurana za finansiranje političke stranke koristiti u skladu sa svojim planom, odnosno programom utroška sredstava,***
- ***da poslovne knjige vodi u skladu sa računovodstvenim propisima i da obrati pažnju na ispravnost i vjerodostojnost knjigovodstvenih isprava,***
- ***da uspostavi potpune i tačne evidencije o prihodima, rashodima i obavezama stranke,***

¹⁴ Račun broj: 000572 od 30.09.2019. godine

¹⁵ Račun broj: 000710 od 15.11.2019. godine

- *da finansijske izvještaje koje podnosi Centralnoj izbornoj komisiji BiH popunjava u skladu sa njenim podzakonskim aktima.*
- *da dostavlja i drugu dokumentaciju koju od nje zatraži Centralna izborna komisija Bosne i Hercegovine.*

KOMENTAR

Politička stranka je u datom roku dostavila primjedbe/komentare na nalaze koji su navedeni u Preliminarnom izvještaju. U svom očitovanju, politička stranka objašnjava razloge zbog kojih je napravila propuste, koji su navedeni kao nalazi revizije u Preliminarnom izvještaju uz izražavanje zahvalnosti na preporukama, te da je nastojala da u godišnjem finansijskom izvještaju za 2020. godinu većinu propusta otkloni.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić